

ԳԻՏԱԿԱՆ ԻՆՖՈՐՄԱՅԻԱ НАУЧНАЯ ИНФОРМАЦИЯ

ԱՐԵՎԵԼԱԳԻՏՈՒԹՅԱՆ ԻՆՍՏԻՏՈՒՏԻ 20 ՏԱՐԻՆ

Հայ արևելագիտական միտքն ունի հարուստ պատմություն: Սակայն մինչև վերջերս գիտության այդ բնագավառով զբաղվել են միայն առանձին անհատներ, և կասած մեր պատմագիրներից մինչև XIX դարի և XX դարի առաջին տասնամյակների հայ արևելագետ-պատմաբանները կամ գիտական և ուսումնական հիմնարկները, որոնք մեր ժողովրդի պատմության հարցերը մշակելիս զբաղվել են նաև հարևան երկրների պատմամշակութային, քաղաքական ու տնտեսական կյանքի հարցերով: Հատուկ արևելագիտական հետազոտական հաստատություն ստեղծվել է միայն 1958 թ., երբ կազմակերպվեց ՀՍՍՀ գիտությունների ակադեմիայի արևելագիտության սեկտորը, որը 13 տարի հետո բազա հանդիսացավ համապատասխան ինստիտուտի համար:

Ահա այդ նշանավոր տարեթիվին էր նվիրված ինստիտուտի գիտխորհրդի ընդլայնված նիստը, որը տեղի ունեցավ անցյալ տարվա դեկտեմբերի 28-ին: Նիստը ներածական խոսքով բացեց ինստիտուտի գիրեկտոր, ԳԱ թղթակից անդամ Գ. Խ. Սարգսյանը: Նա նշեց, որ ինստիտուտի կազմակերպմանը նպաստեցին սեկտորում կատարված աշխատանքները, մասնագետ կադրերի առկայությունը, ինչպես նաև հայերի արևելյան ժողովուրդ լինելու և հարևանների հետ լայն կապեր ունենալու հանգամանքները, կապեր, որոնց պատմությունն իր պատշաճ տեղն է գտել Հայկական աղբյուրներում, գրականության մեջ և մամուլում:

Անցած 20 տարիների գիտահետազոտական գործունեության արդյունքների և ինստիտուտի առջև դրված խնդիրների մասին զեկուցումով հանդես եկավ ինստիտուտի գիրեկտորի գիտական գծով տեղակալ, պատմական գիտությունների դոկտոր Հ. Գ. Ինճիկյանը: Նա նշեց, որ հայ արևելագիտական մտքի պատմության մեջ նշանավոր տարեթիվ է 1958 թ. հոկտեմբերի 16-ը, երբ ՀՍՍՀ գիտությունների ակադեմիայի արևելագիտության սեկտորի հիմնադիրը և առաջին վարիչը, այն ժամանակ ակադեմիայի վիցեպրեզիդենտ Մ. Գ. Ներսիսյանը ստորագրեց իր № 1 հրամանը, որով մի խումբ գիտական աշխատողներ դարձան սեկտորի առաջին աշխատակիցներ: Կոմունիստական կուսակցության

XX համագումարի ցուցումների համաձայն 1950-ական թթ. մեր երկրում ստեղծվեցին վեց արևելագիտական հիմնարկներ, որոնցից մեկը մեր սեկտորն էր: Բնական և հասկանալի է, որ նման հիմնարկի առջև դրվեց զլխավորապես ժամանակակից պրոբլեմներով զբաղվելու խնդիրը, որը և իրագործվում էր սեկտորում: Ուսումնասիրության առարկա հանդիսացան, առաջին հերթին, մեր հարևան երկրների ու ժողովուրդների տնտեսական ու քաղաքական կյանքը, նրանց պատմությունն ու մշակույթը: Սեկտորի ներսում համապատասխանաբար ստեղծվեցին ինքնուրույնության, պարսկագիտության և արաբական երկրների խմբեր, որոնք համալրվեցին հանրապետության տարբեր հիմնարկներից եկած մասնագետներով, իսկ մի տարի հետո նույն ձևով կազմակերպվեց նաև քրդագիտական խումբը:

Ահա այսպիսի կազմով, գիտական աշխատակիցների քանակական և որակական աճի շնորհիվ հետզհետե ամրապնդվելով սեկտորը, Հ. Գ. Ինճիկյանի ղեկավարությամբ, գոյություն ունեցավ մոտ 13 տարի և նախապատրաստեց համապատասխան պայմաններ ապագա ինստիտուտի համար: Դեռևս 1968 թ., երբ նշվում էր սեկտորի գոյության տասնամյակը, լրիվ պրոֆիտով արևելագիտության ինստիտուտ ստեղծելու պահանջն արդեն դարձել էր պրակտիկ և կենսական հարց: 1971 թ. մայիսին համապատասխան ինստանցիաներում քննարկվելուց հետո միութենական կառավարական օրգանները կայացրին ցանկալի որոշումը: Այնուհետև հանրապետության Մինիստրների խորհուրդը՝ հունիսի 24-ին և գիտությունների ակադեմիայի նախագահությունը՝ հուլիսի 28-ին որոշեցին սեկտորի բազայի վրա կազմակերպել արևելագիտության ինստիտուտը, որի գիրեկտոր 1971 թ. նոյեմբերին նշանակվեց Գ. Խ. Սարգսյանը: Սեկտորում գոյություն ունեցող խմբերը դարձան բաժիններ և ներկայումս Թուրքիայի, Իրանի, արաբական երկրների, քրդագիտության բաժինների կողքին գործում են Հին Արևելքի բաժինը, որը կազմակերպվեց ինստիտուտի գոյության սկզբին և կովկասագիտության ու բյուզանդագիտության բաժինը, որը հիմնադրվեց 1975 թ.:

Ինստիտուտում ձևավորվում է նաև աղբյուրագիտական պրոբլեմային խումբ, որտեղ կենտրոնացվել են եղած բոլոր մասնագետները և անհրաժեշտ նախապատրաստական շրջանից հետո խումբը հիմք կհանգիստանա ապագա 7-րդ քառնի: Այլ ինստիտուտների օրինակով նախատեսվում է ապագայում վերակառուցել այն ըստ գիտական ուղղությունների և ունենալ ուսումնասիրվող երկրների ու ժողովուրդների պատմության, լեզվի ու գրականության, սոցիալ-տնտեսական պրոբլեմների, միջազգային հարցերի և այլ բաժիններ: Նման վերակառուցումը, անշուշտ, բաժիններում ստեղծագործական մթնոլորտը կդարձնի ավելի բարենպաստ, կօգնի լուրջ մասնագիտական քննարկումների կազմակերպմանը և ուսումնասիրությունների տրակի ու գիտական մակարդակի բարձրացմանը:

Հիշյալ տեղաշարժերը կապված են կադրերի հետազա աճի և տեղաբաշխման շափազանց կարևոր խնդրի հետ: Այդ խնդիրը մշտապես գտնվել է ակադեմիայի և սեկտորի ու ինստիտուտի ղեկավարության ուշադրության կենտրոնում: Նման վերաբերմունքի արդյունքը եղել է հետևյալը. եթե սեկտորի հիմնադրման առաջին տարում աշխատակիցների թիվը 22-ն էր, որից միայն 17-ը գիտական աշխատակիցներ էին և դրանցից մեկը՝ գիտությունների դոկտոր, ութը՝ թեկնածուներ, ապա 1968 թ. 51 մարդուց 44-ը գիտական աշխատողներ էին, որոնցից 2 դոկտոր և 23 թեկնածուներ: Ինստիտուտը կազմակերպվելուց անմիջապես հետո նրա աշխատակիցների թիվը հասավ 63-ի, որոնցից 59-ը գիտական աշխատող՝ 7-ը գիտության դոկտորներ և 27-ը թեկնածուներ: Իսկ հաստատության 20-ամյակը նշելիս նրանում աշխատում էր 82 մարդ, որից 64-ը գիտական և 12-ը գիտաօժանդակ աշխատողներ (9 գիտության դոկտորներ և 25 թեկնածուներ):

Կադրերի պատրաստման գործում տեղում ասպիրանտական ուսումնառության սիստեմի կողքին վերջին տարիներին զգալի դեր են կատարում նպատակային ասպիրանտուրան և գիտության խոշոր կենտրոններում ստաժորների պատրաստման կարգը: Ընթացիկ տարվա տրվյալների համաձայն այդ բոլոր ձևերում ինստիտուտը պատրաստում է 17 երիտասարդ մասնագետներ: Արևելագիտության զարգացման համար մեծ նշանակություն ունի տեխնիկական և գիտական բազայի ընդլայնումը՝ անհրաժեշտ սարքավորումների և գրականության ձեռքբերումը: Չափազանց կարևոր էր ինստիտուտի տեղափոխումը նոր շենք 1972 թ.: Ավելի հարմար պայմաններ ստեղծվեցին բաժինների նորմալ աշխատանքի համար, համեմատաբար ընդլայն-

վեցին գրադարանի զբաղեցրած տարածությունները, կարգի բերվեցին նրա ֆոնդերը, գրապահոցը դարձավ լիարժեք գրադարան իր մինիմալ հարմարություններով, քարտարանով և ֆոնդերի համապատասխան դասավորմամբ: Այժմ հանրապետությունում այն միակ արևելագիտական գրադարանն է: Մոտ ապագայում նա կունենա շուրջ 30 հազար գրադարանային միավոր, որի ավելի քան 50 տոկոսը կազմում են արևելյան ու եվրոպական լեզուներով գրականությունը և մամուլը:

Անցած 7 տարիներին ինստիտուտում ծավալված գիտակազմակերպչական գործունեության հիմնական արդյունք է հանդիսանում լրիվ պրոֆիլով արևելագիտական գիտահետազոտական հիմնարկի ձևավորումը, որի ուսումնասիրության առարկան են հանդիսանում Մերձավոր և Միջին Արևելքի ու Կովկասի ժողովուրդների պատմության, տնտեսության, մշակույթի և նրանց փոխհարաբերությունների ու փոխազդեցությունների պրոբլեմները՝ հնագույն ժամանակներից մինչև մեր օրերը: Անցած երկու տասնամյակներում ինստիտուտի գիտական կոլեկտիվը մշակել է և շարունակում է ուսումնասիրել հիշյալ ռեգիոնի մի շարք կարևոր թեմաներ և հարցեր:

Ուսումնասիրությունների հիմնական ուղղությունները եղել են՝ ազգային-ազատագրական, դեմոկրատական և բանվորական շարժումները, զարգացող երկրների տնտեսական, սոցիալական ու բաղադրական խնդիրները, ասիական երկրների միջազգային հարաբերությունները, Մերձավոր ու Միջին Արևելքի ժողովուրդների կոլտուրան, Հին Արևելքի պատմությունն ու բանասիրությունը, կովկասյան որոշ ժողովուրդների պատմությունը և բանասիրությունը:

Ինստիտուտի գիտական կոլեկտիվի կողմից մշակված հարցերից են՝ Մերձավոր և Միջին Արևելքի, ինչպես նաև Հին Արևելքի երկրներում սոցիալ-տնտեսական ստրուկտուրաների զարգացումը, Օսմանյան կայսրությունում, Իրանում և Քուրդստանում ֆեոդալական հարաբերությունների քայքայումը, կապիտալիստական, բուրժուական կարգերի ձևավորումն ու զարգացումը և այդ զարգացման յուրահատկությունները տարբեր երկրներում: Հին Արևելքի սոցիալ-տնտեսական հարաբերությունները լուսաբանող գործերի թվին են պատկանում՝ «Ուրարտուի տեղագրական քարտեզը» մանրամասն բացատրություններով, որի օրգանական շարունակությունը կլինի դեռևս մշակվող «Ուրարտուի երկրագործական քարտեզը», ապա նաև «Վերին Եփրատի մարզերը մ. թ. ա. XII—IX դարերում», «Էգիբի գործարար տունը Բաբելոնում մ. թ. ա. VI դարում», «Տելեպինուի օրենսդրու-

թյունը որպես խեթական թագավորության պատմության աղբյուր»:

Գերմանական Դեմոկրատական Հանրապետության գիտությունների ակադեմիայի հին պատմության և հնագիտության կենտրոնական ինստիտուտի համագործակցությամբ ավարտվել է «Հելլենիստական Միջագետքի սոցիալ-տնտեսական պատմության սեպագիր փաստաթղթերի ժողովածուն», որը կարևոր ներդրում է հիշյալ պրոբլեմի ուսումնասիրության և հին աշխարհի բանասիրության ասպարեզում:

Զգալի աշխատանք է կատարված Մերձավոր և Միջին Արևելքի ժողովուրդների ազգային-ազատագրական սլայքարր XIX—XX դդ. պրոբլեմի գծով: Գրեթե ավարտվել է արաբական ժողովուրդների հակաիմպերիալիստական, ազգային-ազատագրական պայքարը առաջին համաշխարհային պատերազմի ժամանակաշրջանից մինչև մեր օրերը թեման և այդ խնդրի վերաբերյալ հրատարակվել են մենագրություններ Իրաքի, Սիրիայի և Լիբանանի ժողովուրդների պայքարի մասին: Այդ թեմայի ուսումնասիրության սկզբունքային ելակետ է հանդիսացել Հոկտեմբերյան հեղափոխության ազդեցությունը Մերձավոր և Միջին Արևելքի ժողովուրդների ազգային-ազատագրական շարժումների վրա ցույց տալու խնդիրը, որը իրագործվել է մի քանի հրատարակությունների միջոցով և շարունակում է մնալ ինստիտուտի գիտահետազոտական պլաններում: Հիշյալ ընդհանուր պրոբլեմի մի մասն է կազմում մասամբ մշակված ազգային հարցը և ազգային փոքրամասնությունների վիճակը ուսումնասիրության առարկա հանդիսացող երկրներում:

Ժամանակակից ակտուալ գիտական ու քաղաքական խնդիրներից մեկն է տվյալ ռեգիոնի երկրների ներքին ու արտաքին քաղաքականության կարևոր կողմերի լուսաբանումը: Այս բնադավառում ձեռք բերված հաջողությունները հիմք են հանդիսացել համագործակցելու ՍՍՀՄ արեւելագիտության ինստիտուտի և նրա լենինգրադյան բաժանմունքի հետ: Այդ համագործակցության արդյունք են հանդիսանում «Թուրքիայի նորագույն պատմությունը» և «Թուրքիայի քաղաքական կուսակցությունները» աշխատությունները: Մշակվել և մասամբ հրատարակվել են Թուրքիայի և Իրանի ներքին քաղաքականության առանձին հարցերը, կրոնի դերը այդ քաղաքականության վրա, ժամանակակից սոցիալ-տնտեսական տեղաշարժերը Մերձավոր և Միջին Արևելքի երկրներում, տնտեսական ինքնուրույնություն ձեռք բերելու համար ծավալված պայքարի փորձերը առանձին երկրներում և մի շարք մասնակի այլ հարցեր:

Միջազգային հարաբերությունների գծով մշակ-

վել են՝ արաբական պետությունների միջազգային քաղաքականությունը երկրորդ համաշխարհային պատերազմի տարիներին, նույն ժամանակաշրջանի Թուրքիայի արտաքին քաղաքականությունը, Թուրք-իրանական, Թուրք-հունական, Թուրք-ֆրանսիական, Թուրք-բալկանյան և սովետա-թուրքական հարաբերությունների տարբեր փուլերի պատմությունը, Օսմանյան Թուրքիայի քաղաքականությունը Արևմտյան Հայաստանում և Անդրկովկասում, Իրանի միջազգային հարաբերությունները XIX դարի սկզբին և այլն: Հրատարակվել են առանձին աշխատություններ օտար կապիտալի ներխուժման և նրա ազդեցության մասին Թուրքիայի, Իրանի և արաբական որոշ երկրների տնտեսության վրա:

Ինստիտուտի պլաններում և հրատարակված գրքերում հատուկ ուշադրություն է դարձվել հասարակական-քաղաքական հոսանքների, գաղափարական խնդիրների, ինչպես նաև պանիսլամիզմի, պանթուրանիզմի, օսմանիզմի և պանթուրքիզմի առաջացման, դրանց դրսևորման և առանձին արտահայտությունների մեկնաբանման վրա:

Ինստիտուտը ղրադվում է նաև Արևելքի երկրների հայ գաղութների պատմության հարցերով:

Մշտական ու կարևոր պրոբլեմ են հանդիսացել աղբյուրագիտական աշխատանքները: Իրանը ունեցել են երկու ուղղություն. առաջինը՝ օտար աղբյուրները հայերի, Հայաստանի և հարևան ժողովուրդների մասին և երկրորդը՝ հայկական աղբյուրները Արևելքի երկրների ու ժողովուրդների մասին: Առաջին ուղղությանը պատկանող հրատարակություններից և կատարված աշխատանքներից նշենք Թուրքական աղբյուրների հիմնական նյութերն ընդգրկող 4 հատորները, արաբական աղբյուրները հայերի մասին մեկ հատորյակը, օսմանյան օրենքները Արևմտյան Հայաստանում, ազգային փոքրամասնությունների վիճակը ըստ օսմանյան օրենսդրական ակտերի, XIX դարի վերջի և XX դարի սկզբի Թուրքական պետական, քաղաքական և մշակութային գործիչները արևմտահայության վիճակի մասին թեմաներով ուսումնասիրությունները: Երկրորդ ուղղության գծով լույս են տեսել առանձին աշխատություններ, որտեղ ներկայացված են հայկական աղբյուրները Իրանի, Հնդկաստանի և մասամբ Օսմանյան կայսրության մասին: Աշխատանքներ են կատարվում վրացական աղբյուրների մշակման և հրատարակման գծով, ինչպես, օրինակ, «Հայաստանի վրացական արձանագրությունները» գիրքը, «Ազաթանգեղոսի հին վրացերեն խմբագրությունները», որը հրատարակվում է:

Հարևան երկրների ու ժողովուրդների լեզվի,

շրջականության և մշակույթի պատմության հար-
ցերը նադոլյն ժամանակներից մինչև մեր օրե-
րը իրենց պատշաճ տեղն ունեն ինստիտուտի
գործունեության մեջ: Իրանք արտահայտվում
են այնպիսի թեմաների մեջ, ինչպես՝ ուրարտա-
իւրիտական լեզվական ընդհանրությունները,
որը կօգնի հետազոտելու մեր լեզվի մեջ դեռևս
չմեկնաբանված բառապաշարը և բացահայտե-
լու ուրարտա-հայկական և խուրիտա-հայկական
պատմամշակութային որոշ կապեր: Ավարտվել
է խեթա-հայկական ընդհանրությունները թե-
ման, շարունակվում են ուսումնասիրություննե-
րը խեթերեն լեզվի բառապաշարի և ինարենե-
յան լեզուների մի շարք խնդիրների վերաբեր-
յալ:

Քրդագիտությունը կատարել է զգալի առաջ-
ընթաց. մշակելով կարևոր հարցեր ու պրոբ-
լեմներ լեզվի, պրականության, ազգագրու-
թյան և պատմության բնագավառներում: Բոլոր
վերոհիշյալ և զեկուցման մեջ շնչված, սակայն
ոչ պակաս կարևոր ուսումնասիրությունները
20 տարում ամփոփվել են ավելի քան 80 մե-
նագրություններում ու ժողովածուներում: Դրան-
ցից հինգը թարգմանվել և լույս են տեսել օտար
լեզուներով, արտասահմանում: Մեր հրատարա-
կություններում կարևոր տեղ են զբաղում մա-
տենաշարով լույս տեսնող «Մերձավոր և Միջին
Արևելքի երկրներ և ժողովուրդներ» (հրատա-
րակվել են 10 գրքեր), «Հին Արևելք» (3 գիրք)

և նոր հրատարակվող «Կովկասը և Բյուզան-
դիան» ժողովածուները:

Ունենալով անցյալ 20 տարիների փորձը, ինս-
տիտուտի գիտական կոլեկտիվը ի վիճակի է
առաջադրել և լուծել մի շարք կարևոր խնդիր-
ներ և ստեղծել ու զարգացնել նոր ուղղություն-
ներ: Անհրաժեշտ է ամենից առաջ ամրապնդել
Խուրքիայի բաժինը, որպեսզի նա իր մյուս աշ-
խատանքներին զուգահեռ կարողանա ղեկավա-
րել «Հայաստանը և հայերը Օսմանյան կայսրու-
թյան մեջ» խոշոր պրոբլեմի մշակումը: Որ-
պեսզի հետ շմանք ժամանակակից արևելագի-
տության զարգացման մակարդակից, մեզ ան-
հրաժեշտ է պատրաստել տնտեսագետների, սո-
ցիոլոգների, կուլտուրայի պատմության մաս-
նագետների, ինչպես նաև Հին Արևելքի և միջ-
նադարի առանձին պրոբլեմների գծով նոր,
երիտասարդ կադրեր:

Գիտությունների ընդլայնված նիստում շնորհա-
վորական ելույթներ ունեցան ու ապագա անե-
լիքների մասին իրենց կարծիքները հայտնեցին
ակադեմիկոսներ Ս. Տ. Երեմյանը, Մ. Գ. Ներ-
սիսյանը, Լ. Ս. Խաչիկյանը, պատմության ինս-
տիտուտի ղիբեկտորի տեղակալ, պրոֆ. Վ. Բ.
Բարխուդարյանը, Գ. Տիրացյանը և Պ. Մու-
րադյանը: Իրիտական խորհրդի նիստն ամփո-
փեց ինստիտուտի ղիբեկտոր Գ. Խ. Սարգսյանը:

Հ. ԳՐԻԳՈՐՅԱՆ

ԽԱՉԱՏՈՒՐ ԱՐՈՎՅԱՆԻ ՔԱՐՏԵԶԱԳՐԱԿԱՆ ԱՇԽԱՏԱՆՔՆԵՐԸ

Հայտնի է, որ Արովյանը Դորպատում սովո-
քելու ժամանակ (1830—1835) ստացել էր
լուրջ աշխարհագրական գիտելիքներ, Ֆ. Պար-
րոտի ղեկավարությամբ կառուցել հայագիր
ուսումնական գլոբուս և ճանապարհորդել Մերձ-
բալթիկայում, իսկ հետագա տարիների ընթաց-
քում (1838—1847) մասնակցել դեպի Հայաս-
տան կազմակերպված բոլոր գիտական արշա-
վախսերին: Հատկանշական է, որ ուղևորու-
թյուններից հետո նա գրել է արժեքավոր աշ-
խատություններ, մի մասը հրատարակել և
գրանց շնորհիվ դեռ իր կենդանության օրոք
հայտնի եղել «Իբրև հայրենիքը լավ ճանաչող
և դեպի գիտությունները սեր ունեցող»¹ ուսու-

ցիչ: Բացի այդ, որպես աշխարհագրություն
դասավանդող նա անհրաժեշտ ուղադրություն է
դարձրել քարտեզների օգտագործման վրա, տա-
րեցտարի հարստացրել Թիֆլիսի, այնուհետև
Երևանի գալառական ուսումնարանների գրա-
դարանները նոր հրապարակված պատի քար-
տեզներով ու ատլասներով²: Հասկանալի է,
որ աշխարհագրության այնպիսի ուսուցիչը, որի
ամենօրյա կյանքում ու աշխատանքային գոր-
ծունեության մեջ աշխարհագրական ինֆորմա-
ցիաներն այդքան խոշոր դեր են խաղացել, չէր
կարող զեազրած ըլինել սեփական քարտեզներ:
Բարեբախտաբար պահպանվել են դորպատյան
շրջանում նրա գծագրած երեք քարտեզները՝
Արևմտյան կիսագնդի, Արևելյան Հայաստանի
և Հյուսիսային բարեխառն գոտու:

Արևմտյան կիսագնդի քարտեզը (նկ. 1)
գտնվում է Արովյանի արխիվի հրապարակված

¹ Տե՛ս Անդրկովկասյան ուսումնարանների վե-
րաբնակությունը 1844 թ. մարտի 18-ի № 401
լրույթումը ուղղված Խ. Արովյանին, անվանի
երկրաբան Հ. Արխիսի ուսումնասիրությունների
մասնակցելու մասին (Հայկ. ՍՍՀ պետական,
կենտրոնական պատմական արխիվ, ֆ. 1, ց. 1,
գ. 780, թ. 1—2):

² Տե՛ս, օրինակ, Երևանի գալառական ու-
սումնարանի գրադարանի 1849 թ. գրքերի ցու-
ցակը (նույն տեղում, գ. 1733, թ. 16—20):